

ORDENANZA FISCAL NUMERO T14

Taxa pola prestación do servico de Cemiterios Municipais, conducción de cadáveres e outros servicos fúnebres de carácter local.

Artigo 1º. Concepto e fundamento legal.

De conformidade co previsto no artigo 57, en relación co artigo 20.1B), amolos dous do Real Decreto Lexislativo 2/2004 que refunde o texto da Lei 39/1998, de 28 de Decembro, reguladora das Facendas Locais, este concello establece a taxa por prestación do servico de Cemiterios Municipais, conducción de cadáveres e outros servicos fúnebres de carácter local, que se rexirá pola presente Ordenanza.

Artigo 2º. Feito imponible.

Constitue o feito imponible da taxa a prestación dos servicos establecidos nos cemiterios municipais de Ove e Ribadeo, tales como a cesión de terreos a perpetuidade, cesión a perpetuidade de sepulturas preferentes, colocación e inscrición de lápidas, apertura de sepulturas e nichos, conservación de ditos elementos ou espazos e calquera outro que se autorice conforme á normativa aplicable, así como a conducción de cadáveres e traslado de restos, enterramentos e outros servicos fúnebres de carácter local.

Artigo 3º. Suxeito pasivo e responsables da taxa.

1. Son suxeitos pasivos da taxa regulada nesta Ordenanza, en concepto de contribuíntes, os solicitantes da autorización ou da prestación do servico e, no seu caso, os titulares da autorización concedida.
2. Serán responsables da debida tributaria xunto ós suxeitos pasivos ou debedores principais:
 - a) Solidariamente as persoas ás que se refiren os artigos 41 e 42 da Lei Xeral Tributaria.
 - b) Subsidiariamente as persoas ás que se refire o artigo 43 da lei Xeral Tributaria.

Artigo 4º. Exencións, bonificacións e beneficios tributarios.

De conformidade co previsto no artigo 9 do Real Decreto Lexislativo 2/2004, non se recoñece exención, bonificación nin beneficio tributario algún, agás os que sexan consecuencia do establecido nos Tratados ou Acordos Internacionais ou veñan previstos en normas con rango de Lei, e os seguintes servicos:

- a) Inhumacións que ordene a autoridade xudicial e se efectúen en fosa común.
- b) Enterramento de cadáveres de pobres de solemnidade.

Artigo 5º. Cota tributaria.

A cota tributaria da taxa estará constituída polas seguintes cantidades fixas:

A) CESIÓN DE TERREOS A PERPETUIDADE.

Terreos para panteons especiais	499,45 Euros.
Terreos para panteón de 1ª	332,90 Euros.
Terreos para panteón de 2ª	225,08 Euros.
Terreos para panteón de 3ª	169,87 Euros.

Terreos para construción de nichos de acordo co plano e medidas que se fixan con fronte á entrada do cemiterio.....	169,87 Euros.
O mesmo terreo co mesmo fin, dando fronte á muralla de cerramento	112,70 Euros.
Terreos para a construción de sepultura preferente no lugar que determina o plano para as desta clase	74,57 Euros.
Terreos para construción de sepulturas de terra no lugar que determina o plano	22,64 Euros.

B) CESIÓN A PERPETUIDADE DE SEPULTURAS PREFERENTES

Sepultura preferente de 2 ocos	149,13 Euros.
Sepultura preferente dun solo oco	90,01 Euros.
Cesión de sepultura preferente dun oco por cinco anos	30,13 Euros.
Cesión de nichos de 3 ocos (con osario) de nova construción	1.227,71 Euros.
Cada cesión dun oco supletorio	25% máis.

C) ENTERRAMENTOS.

Inhumación de cadáveres ou restos do concesionario, os seus familiares ata o 4º grao de consanguinidade, cónxuxes e criados:

a) En panteón especial	100,81 Euros.
b) En panteón de primeira	84,69 Euros.
c) En panteón de segunda	64,51 Euros.
d) En panteón de terceira	52,44 Euros.
e) En nicho	24,21 Euros.
f) En sepultura preferente	20,20 Euros.
g) En sepultura de terra	12,10 Euros.

D) CONSTRUCCIONS:

Licencias para construción dun panteón especial	121,08 Euros.
Licencias para construción dun panteón de primeira	74,70 Euros.
Licencias para construción dun panteón de segunda	51,90 Euros.
Licencias para construción dun panteón de terceira	40,23 Euros.
Licencias para construción dun nicho con osario	39,30 Euros.
Licencias para construción dun nicho sen osario	31,48 Euros.
Licencias para construción de sepultura preferente	27,52 Euros.
Licencias para construción de sepultura de terra	7,05 Euros.

E) TRASLADO DE RESTOS.

O traslado dun lugar a outro do cemiterio satisfará o 50 % dos sinalados para a súa clase.

F) TRANSMISIONS:

As transmisións que autorice o Concello satisfarán o 40 por 100 das sinaladas nesta tarifa para as da súa clase. Estas transmisións só as poderá realiza-lo concesionario.

Artigo 6º. Dereito á percepción da taxa.

Terase dereito á percepción da taxa e nace a obriga de contribuir no momento no que se soliciten e sexan entregados as respectivas licencias ou títulos.

Artigo 7º. Normas de xestión.

A débeda tributaria derivada da taxa esixirase en réxime de liquidación polo Concello, que deberá ser aboada dentro dos prazos de ingreso para tal tipo de liquidacións tributarias polo artigo 62 da Lei Xeral Tributaria.

Artigo 8º. Obrigas e responsabilidades do usuario do servicio.

1. Toda construción e modificación de panteóns, nichos e sepulturas en xeral, polo que afecta á súa estrutura e condicións sanitarias queda sometida á previa autorización do Concello.
2. A adquisición de terreos para a construción dun panteón, nicho ou sepultura non significa venda nin outra cousa que o dereito á inhumación naqueles do cadaver do adquirente e dos seus familiares e a obriga por parte do Concello de respecta-la permanencia de ditos cadáveres nas sepulturas que se inhumen; en consecuencia toda sepultura perpetua desocupada pola vontade dos seus familiares por máis de 10 anos, así como as temporais que se desocupen antes ou despois do vencemento da obriga, volverán de pleno dominio ó Concello.
3. En ningún caso o dereito que se tranfire poderá ser obxecto de comercio, toda vez que a concesión do terreo non causa renda, se ben recoñeceranse as transmisións testamentarias por herdanza ou legado.

Artigo 9. Infraccións e defraudacións.

En todo o relativo á cualificación de infraccións tributarias, así como das sancións que ás mesmas correspondan en cada caso, estarase ó disposto no Título IV da lei Xeral Tributaria, e iso sen prexuízo das que conforme a lexislación urbanística se poidan esixir.

Disposición derradeira. Entrada en vigor e comezo de aplicación da Ordenanza.

A presente Ordenanza entrará en vigor ó día seguinte ó da súa publicación no “Boletín Oficial da Provincia de Lugo” e comezará a súa aplicación na mesma data.

DILIXENCIA: a presente Ordenanza foi modificada no seu artigo 5 por acordo plenario de data 19 de xaneiro de 2009 e publicada no BOP número 29 de 5 de febreiro de 2009

DILIXENCIA: a presente Ordenanza foi modificada no seu artigo 5 por acordo plenario de data 9 de novembro de 2011 e publicada no BOP número 299 de 31 de decembro de 2011